

RESUMO DE APOIOS A EMPRESAS E AUTÓNOMOS XUNTA DE GALICIA

A Xunta de Galicia puxo a disposición o **teléfono gratuito 900 815 600**, de atención a empresas ante o COVID-19, para resolver as dúbidas no ámbito económico e laboral (horario de 8:00 a 18:00 h, de luns a venres).

Principais liñas de apoio:

1. **Liña de préstamos de ata 200.000 euros**, cos xuros bonificados pola Xunta, para cubrir os pagos de facturas, salarios, alugueiros e impostos.
2. **Aprazamento das cotas** de amortización e xuros para aquelas empresas que teñan préstamos formalizados coa Xunta.
3. **Suspensión dos prazos para a presentación de impostos autonómicos** ata, como mínimo, o 30 de xuño.
4. Apoios directos ao desenvolvemento de **proxectos innovadores vinculados ao coronavirus** e á **fabricación inmediata de medios de protección** a través de axudas que faciliten ás pemes galegas reorganizar a súa produción.

(1) **PRÉSTAMOS DO IGAPE AVALADOS PARA APOIAR ÁS PEMES E AUTÓNOMOS NO CONTEXTO DO ACTUAL BROTE DE COVID-19 (2020)**

- O prazo de presentación de solicitudes finaliza o 30/09/2020.
- Liquidez inmediata.
- Mobilización de 250M €.
- Préstamo a avalar igual ou superior a 3000 € e ata 200 000 € por negocio.
- As persoas beneficiarias terán ata catro anos para amortizar estes préstamos cun ano de carencia.
- A Xunta poderá bonificar a fondo perdido ata o 100% dos intereses.

Ficha informativa desta liña de axudas:

<http://www.igape.es/gl/base-xeral-de-axudas/ficha/IGAP393>

(2) APRAZAMENTO DAS COTAS DE AMORTIZACIÓN E XUROS DA

LIQUIDACIÓN DE TODOS OS PRÉSTAMOS FORMALIZADOS COA XUNTA

- XesGalicia aproba unha moratoria no pago do principal nas cotas liquidables ata o 30 de xuño de 2020, de modo que as empresas que cumpran as condicións estipuladas se poidan beneficiar da condonación no pago de intereses e da moratoria no pago do principal durante todo o primeiro semestre do ano.
- Desde o día 24 de abril e ata o 22 de maio de 2020 (ambos inclusive) aquelas empresas financiadas que desexen optar á nova medida de condonación e/ou á moratoria deberán achegar debidamente cumprimentada a *Declaración responsable* dispoñible na web de Xes Galicia.
- XesGalicia pon en marcha esta medida co fin último de continuar axudando a mitigar os efectos da situación actual, así como para seguir apoiando a aqueles proxectos viables que se viron afectados por unha situación conxuntural e non estrutural.

+info.: [http://www.xesgalicia.gal/sites/default/files/files/attachments/2020/04/medida ampliada preguntas frecuentes.pdf](http://www.xesgalicia.gal/sites/default/files/files/attachments/2020/04/medida_ampliada_preguntas_frecuentes.pdf)

(3) A XUNTA SUSPENDE OS PRAZOS PARA A PRESENTACIÓN DOS IMPOSTOS DE TRANSMISIÓNS PATRIMONIAIS, DE SUCESIÓN E OS TRIBUTOS DO XOGO PARA DOTAR DE LIQUIDEZ A EMPRESAS E CIDADÁNS

- Todas as autoliquidacións destes impostos cuxo prazo vence a partir da declaración do estado de alarma poderán ser presentadas ata o 30 de xuño, ou ata un mes despois da finalización do estado de alarma.

- En todo caso, os contribuíntes que así o prefiran poden presentar as autoliquidacións de xeito telemático a través da Oficina Virtual da ATRIGA.
- Hai que ter en conta que un contribuínte, aínda que non teña que aboar o imposto por beneficiarse das distintas bonificacións ou deducións existentes –como sucede coas deducións do Imposto sobre Sucesións ou co programa de Impostos Cero no rural-, si está obrigado en todo caso a presentar a correspondente autoliquidación do imposto.

(4-A) AXUDAS PARA FACILITAR A FABRICACIÓN DE MEDIOS DE PROTECCIÓN

- A Xunta aprobou un programa de axudas dotado con 2,5 millóns de euros que impulsará a reorganización produtiva inmediata das empresas galegas para facer fronte á emerxencia sanitaria e poder producir material sanitario, equipos de protección individual, probas de diagnose, ventiladores e desinfectantes, entre outros.
+ info.: teléfono 900 815 151 e no enderezo electrónico:
informa@igape.es

(4-B) AXUDAS Á REORGANIZACIÓN DOS PROCESOS PRODUTIVOS NAS EMPRESAS PARA FABRICAR EQUIPOS DE PROTECCIÓN E DESENVOLVER SOLUCIÓN INNOVADORAS PARA COMBATER O CORONAVIRUS.

- XesGalicia puxo en marcha unha liña de financiamento de 10 millóns de euros para cubrir as necesidades de reestruturación produtiva das empresas galegas que decidan acometer a fabricación de material de protección necesario para facer fronte ao coronavirus. En concreto, esta liña financiará investimentos e circulante, e as empresas deberán dar resposta coa produción de equipos como, por exemplo, téxtiles sanitarios, equipos de protección individual (EPIs) e materiais para respiradores.
+ info.: <http://www.xesgalicia.es/gl/content/activada-unha-lina-de-financiamiento-para-producir-material-de-proteccion-ante-o-coronavirus>